

西漢會要

七



西漢會要卷第十九



從事郎前撫州州學教授呂徐



禮十四凶禮

山陵

萬年陵太上皇

長陵高帝

安陵惠帝

霸陵文帝

陽陵景帝

茂陵武帝

平陵昭帝

杜陵宣帝

渭陵元帝

延陵成帝

義陵哀帝

康陵平帝

小黃昭靈后

南陵文帝母薄太后  
元始中罷為縣

雲陵昭帝母趙太后  
元始中罷為縣

雜錄

孝文治霸陵皆瓦器不得以金銀銅錫為飾本贊

東園匠令丞主作陵內器物百官表

漢興立都長安徙齊田楚昭屈景及諸功臣家於長陵後世世徙吏二千石高貴富人及豪傑并兼之家

於諸陵地理志

孝景五年作陽陵邑本紀

孝武建元二年初置茂陵邑本紀

元帝即位貢禹奏言武帝弃天下昭帝幼弱霍光專事不知禮正妄多藏金錢財物鳥獸魚鼈牛馬虎豹

生禽凡百九十物盡瘞藏之又皆以後宮女置於園陵大失禮逆天心又未必稱武帝意也昭帝晏駕光復行之至孝宣皇帝時陛下惡有所言羣臣亦隨故事甚可痛也唯陛下深察古道諸園陵女亡子者宜悉遣獨杜陵宮數百誠可哀憐也

貢禹傳

永光四年分諸陵屬三輔以渭城壽陵亭部原上爲初陵詔曰安土重遷黎民之性骨肉相附人情所願也頃者有司緣臣子之義奏徙郡國民以奉園陵令百姓遠棄先祖墳墓破業失產親戚別離人懷思慕之心家有不自安之意是以東垂被虛耗之害關中  
西漢會要十九  
有無聊之民非久長之策也詩不云虐民亦勞止迄可小康惠此中國以綏四方今所爲初陵者勿置縣邑使天下咸安土樂業亡有動搖之心布告天下令明知之

本紀

陳湯與將作大匠解萬年相善自元帝時渭陵不復徙民起邑成帝起初陵數年後樂霸陵曲亭南更營之萬年與湯議以爲武帝時工楊光以所作數可意自致將作大匠及大司農中丞景壽昌造杜陵賜爵關內侯將作大匠乘馬延年以勞苦秩中二千石今作初陵而營起邑居成大功萬年亦當蒙重賞子公妻家在長安兒子生長長安不樂東方宜求徙可得賜田宅俱善湯心利之即上封事言初陵京師之地

最爲肥美可立一縣天下民不徙諸陵三十餘歲矣  
關東富人益衆多規良田役使貧民可徙初陵以彊  
京師衰弱諸侯又使中家以下得均貧富湯願與妻  
子家屬徙初陵爲天下先於是天子從其計果起昌  
陵邑後徙內郡國民萬年自詭三年可成後卒不就  
羣臣多言其不便者下有司議皆曰昌陵因卑爲高  
積土爲山度便房猶在平地上客土之中不保幽冥  
之靈淺外不固卒徙工庸以鉅萬數至難脂火夜作  
取土東山且與穀同賈作治數年天下徧被其勞國  
家罷敝府藏空虛下至衆庶熬熬苦之故陵因天性  
據真土處執高敞旁近祖考前又已有十年功緒宜  
遠復故陵勿徙民上廼下詔罷昌陵

陳湯傳

孝成永始元年七月詔曰朕執德不固謀不盡下過  
聽將作大匠萬年言昌陵三年可成作治五年中陵  
司馬殿門內尚未加功天下虛耗百姓罷勞客土䟽  
惡終不可成朕惟其難怛然傷心夫過而不改是謂  
過矣其罷昌陵及故陵勿徙吏民令天下毋有動搖  
之心

本紀

二年詔曰前將作大匠萬年知昌陵卑下不可爲萬  
歲居奏請營作建置郭邑妄爲巧詐積土增高多賦  
歛繇役興卒暴之作卒徙蒙辜死者連屬百姓罷極  
天下匱竭常侍閔前爲大司農中丞數奏昌陵不可

成侍中衛尉長數白宣早止徙家反故虜朕以長言  
下閔章公卿議皆合長計首建至策閔典主省大費  
民以康寧閔前賜爵關內侯黃金百斤其賜長爵關  
內侯食邑千戶閔五百戶萬年佞邪不忠毒流衆庶  
海內怨望至今不息雖蒙赦令不宜居京師其徙萬  
年燉煌郡本紀

成帝營起昌陵數年不成復還歸延陵制度泰奢劉  
向上疏諫曰臣聞易曰安不忘危存不忘亡是以身  
安而國家可保也故賢聖之君博觀終始窮極事情  
而是非分明王者必通三統明天命所授者博非獨  
一姓也孔子論詩至於殷士膚敏裸將于京喟然歎

曰大哉天命善不可不傳于子孫是以富貴無常不  
如是則王公其何以戒謹民萌何以勸勉蓋傷微子  
之事周而痛殷之亡也雖有堯舜之聖不能化丹朱  
之子雖有禹湯之德不能訓末孫之桀紂自古及今  
未有不亡之國也昔高皇帝既滅秦將都雒陽感寤  
劉敬之言自以德不及周而賢於秦遂徙都關中依  
周之德因秦之阻世之長短以德爲効故常戰栗不  
敢諱亡孔子所謂富貴無常蓋謂此也孝文皇帝居  
霸陵北臨厠意悽愴悲懷顧謂羣臣曰嗟乎以北山  
石爲椁用紵絮薪陳漆其間豈可動哉張釋之進曰  
使其中有可欲雖錮南山猶有隙使其中無可欲雖

無石椁又何惑焉夫死者無終極而國家有廢興故釋之之言爲無窮計也孝文寤焉遂薄葬不起山墳易曰古之葬者厚衣之以薪臧之中野不封不植後世聖人易之以棺槨棺槨之作自黃帝始黃帝葬於橋山堯葬濟陰丘壠皆小葬具甚微舜葬蒼梧二妃不徙禹葬會稽不改其列殷湯無葬處文武周公葬於畢秦穆公葬於雍橐泉宮祈年館下櫟里子葬於武庫皆無丘壠之處此聖帝明王賢君智士遠覽獨慮無窮之計也其賢臣孝子亦承命順意而薄葬之此誠奉安君父忠孝之至也夫周公武王弟也葬兄甚微孔子葬母於防稱古墓而不墳曰丘東西南北之人也不可不識也爲四尺墳遇雨而崩弟子修之以告孔子孔子流涕曰吾聞之古者不修墓蓋非之也延陵季子適齊而反其子死於贏博之間穿不及泉斂以時服封墳掩坎其高可隱而號曰骨肉歸復於土命也魂氣則無不之也夫贏博去吳千有餘里季子不歸葬孔子往觀曰延陵季子於禮合矣故仲尼孝子而延陵慈父舜禹忠臣周公弟弟其葬君親骨肉皆微薄矣非苟爲儉誠便於體也宋巨司馬爲石槨仲尼曰不如速朽秦相呂不韋集知略之士而造春秋亦言薄葬之義皆明於事者也逮至吳王闔閭違禮厚葬十有餘年越人發之及秦惠文武昭莊

襄五王皆大作丘隴多其瘞臧咸盡發掘暴露甚足  
悲也秦始皇帝葬於驪山之阿下錮三泉上宗山墳  
其高五十餘丈周回五里有餘石擲為游館人膏為  
燈燭水銀為江海黃金為鳧鴈珍寶之臧機械之變  
棺槨之麗宮館之盛不可勝原又多殺宮人生葬工  
匠計以萬數天下苦其役而反之驪山之作未成而  
周章百萬之師至其下矣項籍燔其宮室營宇往者  
咸見發掘其後牧兒亡羊羊入其鑿牧者持火照求  
羊失火燒其臧椁自古至今葬未有盛如始皇者也  
數年之間外被項籍之災內離牧童之禍豈不哀哉  
是故德彌厚者葬彌薄知愈深者葬愈微無德寡知  
其葬愈厚丘隴彌高宮廟甚麗發掘必速由是觀之  
明暗之效葬之吉凶昭然可見矣周德既衰而奢侈  
宣王賢而中興更為儉宮室小寢廟詩人美之斯干  
之詩是也上章道宮室之如制下章言子孫之衆多  
也及魯莊公刻飾宗廟多築臺囿後嗣再絕春秋刺  
焉周宣如彼而昌魯秦如此而絕是則奢儉之得失  
也陛下即位躬親節儉始營初陵其制約小天下莫  
不稱賢明及徙昌陵增埤為高積土為山發民墳墓  
積以萬數營起邑居期日迫卒功費人萬百餘死者  
恨於下生者愁於上怨氣感動陰陽因之以饑饉物  
故流離以千萬數臣甚懼焉以死者為有知發人之



墓其害多矣若其無知又安用大謀之賢知則不說以示衆庶則苦之若苟以說愚夫淫侈之人又何為哉陛下慈仁篤美甚厚聰明疏達蓋世宜弘漢家之德崇劉氏之美光昭五帝三王而顧與暴秦亂君競為奢侈比方丘壠說愚夫之目隆一時之觀違賢知之心亡萬世之安臣竊為陛下羞之雖陛下上覽聰明聖黃帝堯舜禹湯文武周公仲尼之制下觀賢知穆公延陵樗里張釋之之意孝文皇帝去墳薄葬以儉安神可以為則秦昭始皇增山厚臧以侈生害足以為戒初陵之撫宜從公卿大臣之議以息衆庶書奏上甚感向言而不能從其計劉向傳

三十五十六

西漢會要二十九

七

忠

成帝永始四年出杜陵諸未嘗御者歸家本紀張晏曰宮人無

子乃守園陵也

元朔二年孔臧坐為大常南陵橋壞衣冠道絕免

表百官

六年周平為大常坐不繕園陵免表百官

元狩五年丞相李蔡坐侵賣園陵道墻地自殺功臣表

綏和二年王況坐山陵未成置酒歌舞免外戚表

丞相孔光四時行園陵鮑宣傳

### 寢園

大上皇寢園永光五年毀竟寧元年復建昭五年復

高祖皇帝寢園

孝惠皇帝寢園

永光五年毀

竟寧元年復

孝文皇帝寢園

孝景皇帝寢園

孝武皇帝寢園

孝昭皇帝寢園

孝宣皇帝寢園

孝元皇帝寢園

孝成皇帝寢園

孝哀皇帝寢園

孝平皇帝寢園

昭靈后寢園

武哀王寢園

昭哀后寢園

孝文太后寢園

孝昭太后寢園

衛思后園

戾園

戾后園

皇曾祖悼考廟園

孝宣許皇后南園

薄太后父靈文侯園

薄太后母靈文夫人園

永光五年毀

竟寧元年復

永光四年罷  
竟寧元年罷

建昭五年復

永光四年罷  
竟寧元年罷

建昭五年復

永光四年罷  
竟寧元年罷

建昭五年復

建昭元年罷  
五月罷

竟寧元年三月復  
平帝元始中罷南陵

建昭元年罷  
五月罷

竟寧元年六月復  
平帝元始中罷雲陵

永光四年罷

建昭五年復

永光四年罷  
建昭五年復

永光四年罷

平帝元始中  
毀奉明園

父戴  
侯同

竇皇后父安成侯園

孝景王皇后父共侯園

孝景王皇后母平原君園

趙婕妤父順成侯園

史皇孫王夫人父思成侯園

霍皇后父博陸侯園

孝宣王皇后父共侯園

共皇帝寢園哀帝建平二年立

雜錄

奉常屬官有諸廟寢園令長丞百官表

寢郎馮參

園郎班禕故事近臣皆隨陵為園郎金敞傳

園中各有寢便殿日祭於寢月祭於廟時祭於便殿

寢日四上食韋元成傳詳見廟祭

丞相以四時行園張湯傳

人有盜孝文園瘞錢丞相嚴青翟自殺張湯傳

任宮坐為大常人盜茂陵園中物免百官表

武帝建元六年二月丁酉遼東高廟災四月壬子高

園便殿火董仲舒曰哀公三年威靈宮災四月亳社

火天皆焚其不當立者以示魯今高廟不當居遼東

高園殿不當居陵旁於禮亦不當立與魯災同五行志

西漢會要卷第十九

西漢會要卷第二十

從事郎前撫州州學教授臣徐天麟上進

禮十五 凶禮

服制

孝文遺詔曰朕既不德無以佐百姓今崩又使重服  
久臨以羅寒暑之數哀人父子傷長老之志損其飲  
食絕鬼神之祭祀以重吾不德謂天下何朕獲保宗  
廟以眇眇之身託于天下君王之上二十有餘年矣  
賴天之靈社稷之福方內安寧靡有兵革朕既不敏  
常畏過行以羞先帝之遺德惟年之久長懼于不終  
今乃幸以天年得復供養于高廟朕之不明與嘉之

大司馬九

❖

一

葉

其奚哀念之有其令天下吏民令到出臨三日皆釋  
服無禁取婦嫁女祠祀飲酒食肉自當給喪事服臨  
者皆無踐絰帶無過三寸無布車及兵器無發民哭  
臨宮殿中殿中當臨者皆以旦夕十五舉音禮畢罷  
非旦夕臨時禁無得擅哭臨以下服大紅十五日小  
紅十四日纖七日釋服它不在令中者皆以此令比  
類從事 本紀

孝宣地節四年詔曰導民以孝則天下順今百姓或  
遭衰絰凶灾而吏繇事使不得葬傷孝子之心朕甚  
憐之自今諸有大父母父母喪者勿繇事使得收斂  
送終盡其子道 本紀

哀帝令博士弟子父母死子寧三年本紀

雜錄

漢王用三老董公言為義帝發喪袒而大哭哀臨一日兵皆縞素本紀

田蚡迎魯申公欲以禮為服制田蚡傳師古曰謂喪服之制也

灌夫嘗有服過丞相田蚡蚡從容曰吾欲與仲孺過

魏其侯會仲孺有服夫曰將軍廼肯幸臨况魏其侯

夫安敢以服為解灌夫傳

公孫弘後母卒服喪三年本傳臣天麟謹按文帝之

後吏民亦不復行三年喪故公孫弘喪後母三年當時以為創見也

霍光奏昌邑王罪曰孝昭皇帝早棄天下召王典喪

服斬衰二悲哀之心廢禮誼居道上不素食朝暮臨

令從官更持節從霍光傳

元帝初元二年詔舉茂材張勃舉陳湯湯待遷父死

不奔喪司隸奏湯無循行下獄論陳湯傳

成帝時翟方進為丞相後母終既葬三十六日除服

起視事以為身備漢相不敢踰國家之制本傳

薛宣後母病死弟脩去官持服宣謂脩三年服少能

行之者兄弟相駁不可脩遂竟服繇是兄弟不和宣傳

哀帝即位詔曰河間王良喪太后三年為宗室儀表

益封萬戶本紀

時少行二年喪者原涉父死行喪廬冢二年由是顯

名京師傳

結以倚廬楊雄傳注云行服三年也漢律不為親行三年喪不得選舉

服舍江都湯王傳師古曰倚廬聖室之次也

### 喪葬

高祖十二年四月甲辰崩于未央宮丁未發喪五月

丙寅葬長陵已下櫛也皇太子羣臣皆反至大上皇

廟本紀

惠帝即位賜給喪事者二千石錢二萬六百石以上

萬五百石二百石以下至佐史五千視作斤上者將

軍四十金本紀服虔曰斤上壙土也

文帝至霸陵意悽愴悲懷顧謂羣臣曰嗟乎以北山

西漢書卷六十五

西漢書卷六十五

三

天

石為樽用紵絮斷陳漆其間豈可動哉左右皆曰善

釋之前曰使其中有可欲雖錮南山猶有隙使其其中

云可欲雖云石樽又何戚焉文帝稱善張釋之傳

文帝遺詔霸陵山川因其故無有所改郎中令張武

為復土將軍發近縣卒萬六千人發內史卒萬五千

人臧郭穿復土屬將軍武乙巳葬霸陵本紀

武帝建元六年竇太后崩丞相許昌御史大夫嚴育

翟坐喪事不辦免田蚡傳

元帝時貢禹奏言武帝時多取好女至數千人以填其

後宮及弃天下昭帝幼弱霍光專事不知禮正要多

臧金錢財物鳥獸魚鼈牛馬虎豹生禽凡百九十物

盡瘞臧之又皆以後宮女置於園陵大失禮逆天道  
又未必稱武帝意也昭帝晏駕光復行之至孝宣皇  
帝時陛下惡有所言羣臣亦隨故事甚可痛也故使  
天下承化衆庶葬埋皆虛地上以實地下其過自工  
生皆在大臣循故事之臯也唯陛下深察古道從其  
儉者諸園陵女工子者宜悉遣獨杜陵宮人數百誠  
可哀憐也貢禹傳

元帝崩有司言乘輿牛馬禽獸皆非禮不宜以葬奏  
可成紀

哀帝建平二年帝太后丁氏崩上曰朕聞夫婦一體  
詩云穀則異室死則同穴昔季武子成寢杜氏之殯

在西階下請合葬而許之附葬之禮自周興焉郁郁  
乎文哉吾從周孝子事云如事存帝太后宜起陵恭  
皇之園遂葬定陶發陳留濟陰近郡國五萬人穿復  
土本紀

平帝元始五年崩于未央宮大赦天下有司議曰禮  
臣不殤君皇帝年十有四歲宜以禮斂加元服奏可

葬康陵本紀

孝景中二年令諸王薨大鴻臚奏謚誅策列侯薨大  
行奏謚誅策主薨遣光祿大夫吊襚祠賜視喪事因  
立嗣子列侯薨遣大中大夫吊祠視喪事因立嗣其  
薨葬國得發民輓喪穿復上治墳無過三百人畢事

雜錄

楚元王夫人薨賜塋師古曰謂為界域

霍去病薨上悼之發屬國元甲軍陳自長安至茂陵

為冢冢祁連山本傳

李蔡以丞相坐詔賜冢地陽陵當得二十畝蔡盜取

三頃頗賣得四十餘萬又盜取神道外據地一畝葬

其中當下獄自殺李廣傳

張安世薨天子贈印綬送以輕車介士賜塋杜東本傳

霍光薨上及皇太后親臨光喪大中大夫任宣與侍

御史五人持節護喪事中二千石治莫府塚上賜金

畫棺以朱砂塗之而又雕畫四時之色左蒼龍右白虎上著金

銀日月玉衣珠璧以棺至尊無以加臣請没入財物

縣官本傳

楊王孫病且終先令其子曰吾欲羸葬以反吾真必

亡易吾意死則為布囊盛尸入地七尺既下從足引

脫其囊以身親土其子欲默而不從重廢父命欲從

之心又不忍廼往見王孫友人祁侯祁侯與王孫書

曰王孫苦疾僕迫從上祠雍未得詣前願存精神省

思慮進近醫藥厚自持竊聞王孫先令羸葬令死者

亡知則已若有知是戮尸地下將羸見先人竊為王

孫不取也且孝經曰為之棺槨衣衾是亦聖人之遺



至滑陵傳本

孔光薨太后使九卿策贈以大師博山侯印綬賜乘輿秘器金錢雜帛少府供張諫大夫持節與謁者二人使護喪事博士護行禮太后亦遣中謁者持節視喪公卿百官會弔送葬載以乘輿輶輦及副各一乘羽林孤兒諸生各四百人輓送車萬餘兩道路皆舉音以過喪將作穿復土可甲卒五百人起墳如大將軍王鳳制度傳本

童賢寵愛日甚及至東園秘器珠襦玉柩豫以賜賢哀帝崩賢與妻皆自殺葬復風大司徒光奏賢治宅第造冢壙放效無極死後父恭等不悔過乃復以沙

錢纒絮繡被百領衣五十篋璧珠璣玉衣梓宮便房黃腸題湊各一具椁木外藏椁十五具東園温明皆如乘輿制度載光尸柩以輶輦車黃屋左纛發材官輕車北軍五校士軍陳至茂陵以送其葬謚曰宣成侯發三河卒穿復土起冢祠堂置園邑三百家長丞奉守如舊法傳本

霍禹既嗣為博陸侯大夫人顯改光時所自造塋制而後大之起三出闕築神道北臨昭靈南出承恩盛飾祠室輦閣通屬冰巷而幽良人婢妾守之傳本

金安上薨賜塚塋杜陵傳本

主鳳薨天子臨弔贈寵送以輕車介士軍陳自長安

制何必區區獨守所聞顧三監察高王孫報曰蓋聞  
古之聖王緣人情不忍其親故為制禮今則越之吾  
是以羸葬將以矯世也夫厚葬誠亡益於死者而俗  
人競以相高靡財單幣腐之地下或廼今日入而明  
日發此真與暴骸於中野何異且夫死者終生之化  
而物之歸者也歸者得至化者得變是物各反其真  
也反真冥冥亡形亡聲廼合道情夫飾外以華衆厚  
葬以鬲真使歸者不得至化者不得變是使物各失  
其所也且吾聞之精神者天之有也形骸者地之有  
也精神離形各歸其真故謂之鬼鬼之為言歸也其  
尸塊然獨處豈有知哉裹以幣帛鬲以棺槨支體絡  
束口含玉石欲化不得鬱鬱為枯腊千載之後棺槨朽  
腐廼得歸土就其真宅繇是言之焉用久客昔帝堯  
之葬也窆木為匱葛為屨緘其穿下不亂泉上不泄  
殞故聖王生易尚死易葬也不加功於亡用不損財  
於亡謂今費財厚葬留歸鬲至死者不知生者不得  
是謂重惑於戲吾不為也祁侯曰善遂羸葬

### 恤死事

漢法父子俱有死事得以喪歸

漢夫傳

漢四年下令軍士不幸死者吏為衣衾棺斂轉送世

家紀本

八年令士卒從軍死者為槨歸其縣繇給衣衾棺斂

具祠以少牢長吏視葬本紀

文帝十四年餅侯孫單以父邛北地都尉力戰死事

于侯功臣表

景帝中二年封故楚趙傅相前死事者四人子皆受

列侯本紀

武帝取從軍死事之子孫養羽林教以五兵號曰羽

林孤兒百官表



西漢會要卷第二十一

西漢會要卷第十一

樂上

樂上

樂上

從軍圖志無補海教授吉天徐  
百行之一也或有狼藉凡案分散  
部陝童幼婢妾所汚風雨蟲鼠所

天



漢興樂家有制氏以雅樂聲律世世在大樂官但能  
紀其鏗鎗鼓舞而不能言其義高祖時叔孫通因秦  
樂人制宗廟樂大祝迎神于廟門奏嘉至猶古降神  
之樂也皇帝入廟門奏永至以為行步之節猶古采  
薺肆夏也乾豆上奏登歌獨上歌不以筦弦亂人聲  
欲在位者徧聞之猶古清廟之歌也登歌亦終下奏  
休成之樂美神明既饗也皇帝就酒東廂坐定奏永  
安之樂美禮已成也又有房中樂高祖唐山夫人  
所作也周有房中樂至秦名曰壽人凡樂樂其所生  
禮不忘本高祖樂楚聲故房中樂楚聲也孝惠二年  
使樂府令夏侯寬備其簫箏更名曰安世樂高祖廟  
奏武德文始五行之舞孝文廟奏昭德文始四時五  
行之舞孝武廟奏盛德文始四時五行之舞武德舞  
者高祖四年作以象天下樂已行武以除亂也文始  
舞者曰本舜招舞也高祖六年更名曰文始以示不  
相襲也五行舞者本周舞也秦始皇二十六年更名  
曰五行也四時舞者孝文所作以明示天下之安和  
也蓋樂已所自作明有制也樂先生之樂明有法也

孝景采武德舞以爲昭德以尊大宗廟至孝宣采昭德舞爲盛德以尊世宗廟諸帝廟皆常奏文始四時五行舞去高祖六年又作昭容樂禮容樂昭容者猶古之昭夏也主出武德舞禮容者主出文始五行舞舞入無樂者將至尊之前不敢以樂也出用樂者言舞不失節能以樂終也大氏皆因秦舊事焉初高祖既定天下過沛與故人父老相樂醉酒歡哀作風起之詩令沛中僮兒百二十人習而歌之至孝惠時以沛宮爲原廟皆令歌兒習吹以相和常以百二十人爲負文景之間禮官肄業而已至武帝定郊祀之禮祠大一於甘泉就乾位也祭后土於汾陰澤中方丘也乃立樂府采詩夜誦有趙代秦楚之謳以李延年爲協律都尉多舉司馬相如等數十人造爲詩賦略論律呂以合八音之調作十九章之歌以正月上辛用事甘泉園丘使童男女七十人俱歌昏祠至明夜常有神光如流星止集于祠壇天子自竹宮而望拜百官侍祠者數百人皆肅然動心焉其餘巡狩福應之事不序郊廟故弗論是時河間獻王有雅材亦以爲治道非禮樂不成因獻所集雅樂天子下大樂官常存肄之歲時以備數然不常御常御及郊廟皆非雅聲然詩樂施於後嗣猶得有所祖述昔殷周之雅頌廼上本有娥姜原高稷始生元王公劉玄公大

伯王季姜女大任大妣之德乃及成湯文武受命武  
丁成康宣王中興下及輔佐阿衡周召大公申伯魯  
虎仲山甫之屬君臣男女有功德者靡不褒揚功德  
旣信美矣褒揚之聲盈乎天地之間是以光名著於  
當世遺譽垂於無窮也今漢郊廟詩歌未有祖宗之  
事八音調均又不協於鐘律而內有掖庭材人外有  
上林樂府皆以鄭聲施於朝廷至成帝時謁者常山  
王禹世受河間樂能說其義其弟子宋翬等上書言  
之下大夫博士平當等考試當以爲漢承秦滅道之  
後賴先帝聖德博受兼聽修廢官立大學河間獻王  
聘求幽隱修興雅樂以助化時大儒公孫弘董仲舒  
等皆以爲音正雅立之大樂春秋鄉射作於學官  
希闊不講故自公卿大夫觀聽者但聞鏗鎗不曉其  
意而欲以風諭衆庶其道無由是以行之百有餘年  
德化至今未成今翬等守習孤學大指歸於興助教  
化衰微之學興廢在人宜領屬雅樂以繼絕表微孔  
子曰人能弘道非道弘人河間區區小國藩臣以好  
學修古能有所存民到于今稱之况於聖主廣被之  
資修起舊文放鄭近雅述而不作信而好古於以風  
示海內揚名後世誠非小功小美也事下公卿以爲  
久遠難分明當議復寢是時鄭聲尤甚黃門名倡丙  
彊景武之屬富顯於世貴戚五侯定陵富平外戚之

家淫侈過度至與人主爭女樂哀帝自爲定陶王時疾之又性不好音及即位下詔曰惟世俗奢泰文巧而鄭衛之聲興夫奢泰則下不孫而國貧文巧則趨末背本者衆鄭衛之聲興則淫僻之化流而欲黎庶淳朴家給猶濁其源而求其清流豈不難哉孔子不云乎放鄭聲鄭聲淫其罷樂府官郊祭樂及古兵法武樂在經非鄭衛之樂者條奏別屬他官丞相孔光大司空何武奏郊祭樂人負六十二人給祠南北郊大樂鼓負六人嘉至鼓負十人邯鄲鼓負二人騎吹鼓負三人江南鼓負二人淮南鼓負四人巴俞鼓負三十六人歌鼓負二十四人楚嚴鼓負一人梁皇鼓負四人臨淮鼓負二十五人茲邠鼓負三人凡鼓十二員百二十八人朝賀置酒陳殿下應古兵法外郊祭員十三人諸族樂人兼雲招給祠南郊用六十七人兼給事雅樂用四人夜誦員五人剛別榭員二人給盛德主調箎員二人聽工以律知日冬夏至一人鐘工磬工簫工員各一人僕射二人主領諸樂人皆不可罷竽工員三人一人可罷琴工員五人三人可罷柱工員二人一人可罷繩弦工員六人四人可罷鄭四會員六十二人一人給事雅樂六十一人可罷張瑟員八人七人可罷安世樂鼓員二十人十九人可罷沛吹鼓員十二人族歌鼓員二十七人陳吹

負十三人商樂鼓負十四人東海鼓負十六人長樂鼓負十三人纓樂鼓負十三人凡鼓八負百二十八人朝賀置酒陳前殿房中不應經法治等負五人楚鼓負六人常從倡三十人常從象人四人詔隨常從倡十六人秦倡負二十九人秦倡象人負三人詔隨秦倡一人雅大人負九人朝賀置酒爲樂楚四會負十七人巴四會負十二人鈹四會負十二人齊四會負十九人蔡謳負三人齊謳負六人竽瑟鐘磬負五人皆鄭聲可罷師學百四十二人其七十二人給大官捫馬酒其七十人可罷大凡八百二十九人其三百八十八人不可罷可領屬大樂其四百四十一人

不應經法或鄭衛之聲皆可罷奏可然百姓漸漬日久又不制雅樂有以相變豪富吏民湛沔自若大漢繼周久曠大儀未有立禮成樂此賈誼仲舒王吉劉向之徒所爲發憤而增嘆也

禮樂志

高祖過沛詩三侯之章令小兒歌之高祖崩令沛得以四時歌僂宗廟孝惠孝文孝景無所增更於樂府習常隸舊而已至今上即位作十九章令侍中李延年次序其聲拜爲協律都尉通一經之士不能獨知其辭皆集會五經家相與共講習讀之乃能通知其意多爾雅之文漢家常以正月上辛祠太一甘泉以昏時夜祠到明而終常有流星經於祠壇上使僮男



僮女七十人俱歌春歌青陽夏歌朱明秋歌西皞冬  
歌元冥世多有故不論又嘗得神馬渥洼水中復次  
以爲大一之歌歌曲曰大一貢兮天馬下露赤汗兮  
沫流赭騁容與兮趾萬里今安匹兮龍爲友後伐大  
宛得千里馬馬名蒲梢次作以爲歌歌詩曰天馬來  
兮從西極經萬里兮歸有德承靈威兮降外國涉流  
沙兮四夷服中尉汲黯進曰凡王者作樂上以承祖  
宗下以化兆民今陛下得馬詩以爲歌協於宗廟先  
帝百姓豈能知其音邪上默然不說丞相公孫弘曰  
黯誅謗聖制當族樂書

### 雜錄

大常屬官有大樂令丞

百官表

宮商角祉羽職在大樂

律曆志

武帝策董仲舒曰五帝三王之道改制作樂而天下  
洽和百王同之當虞氏之樂莫盛於韶於周莫盛於  
勺聖王已沒鐘鼓筦絃之聲未衰而大道微缺云云  
仲舒對曰道者所繇適於治之路也仁義禮樂皆其  
具也王者未作樂之時乃用先王之樂宜於世者而  
以深入教化於民教化之情不得雅頌之樂不成故  
王者功成作樂樂其德也樂者所以變民風化民俗  
也其變民也易其化人也著故聲發於和而本於情  
接於肌膚臧於骨髓故王道雖微缺而鐘鼓筦絃之

聲未衰也夫虞氏不為政久矣然而樂頌道風猶有存者是以孔子在齊而聞韶也董仲舒傳

嬖臣李延年以好音見上善之下公卿議曰民間祠有鼓舞樂今郊祀而無樂豈稱乎公卿曰古者祠天

地皆有樂而神祇可得而禮或曰秦帝使素女鼓五十絃瑟悲帝禁不止故破其瑟為二十五絃於是塞

南越禱祠泰一后土始用樂舞益召歌兒作二十五絃及空侯瑟自此起郊祀志

宣帝本始四年詔樂府減樂人本紀

神爵五鳳之間聞天下殷富數有嘉應上頗作歌詩欲興協律之事丞相魏相奏言知音善鼓雅琴者渤海

李七十小

西漢會要卷二十一

七

趙定梁國龔德皆召見待詔正傳

元帝多材藝善史書鼓琴瑟吹洞簫自度曲被歌聲

金判節度窮極幻眇本紀

元帝被疾不親政事留好音樂或置鞀鼓殿下天子自

臨軒檻上墮銅圈以擗鼓擗持聲中嚴鼓之節後宮及

左右習知音者莫能為而定陶王亦能之上數稱其材

史丹進曰凡所謂材者敏而好學温故知新皇太子是

也若廻器人於絲竹鼓鞀之間則是陳惠李微高於

康衡可相國也陳惠李微皆黃門鼓吹於是上嘿然而咲史丹傳

平帝元始元年放鄭聲五年召天下通知鐘律者本傳

西漢會要卷第二十一

西漢會要卷第二十二

從事郎前撫州州學教授臣徐

天麟上進

樂下

樂章

安世房中歌十七章其詩曰

大孝備矣休德昭清高張四垂樂充宮廷芬植羽林  
雲景杳冥金支秀華庶旄翠旌

七始華始肅倡和聲神來宴娛庶幾是聽粥粥音送  
細齊人情忽乘青元熙事備成清思眈眈經緯冥冥  
我定歷數人告其心敷身齊戒施教申申乃立祖宗  
敬明尊親大矣孝熙四極爰臻

三

西漢會要卷第二十二

三十八

王侯秉德其鄰翼翼顯明昭式清明鬯矣皇帝孝德  
竟全大功撫安四極

海內有姦紛亂東北詔撫成師武臣承德行樂交遊  
簫勺羣庶肅為濟哉蓋定燕國

大海蕩蕩水所歸高賢愉愉民所懷大山崔嵬百卉殖  
民何貴貴有德

安其所樂終產樂終產世繼緒飛龍秋游上天高賢  
愉樂民人

豐草萋萋女羅施善何如誰能回大莫大成教德長莫  
長被無極

雷震震電燿燿明德鄉治本約治本約澤弘大加

寵咸相保德施大世曼壽

都荔遂芳宵窅桂華孝奏天儀若日月光乘元四龍  
回馳北行羽旄殷盛芬哉芒芒孝道隨世我著文章

桂華

馮馮翼翼承天之則吾易久遠燭明四極慈惠所愛  
美若休德杳杳冥冥克綽永福美芳

磴磴即即師象山則嗚呼孝哉案撫戎國蠻夷竭歡  
象來致福兼臨是愛終無兵革

嘉薦芳矣告靈饗矣告靈既饗德音孔臧惟德之臧  
建侯之常承保天休令問不忘

皇皇鴻明蕩侯休德嘉承天和伊樂厥福在樂不荒  
惟民之則

秋正三五

西德會日西不卷二二二

二

正史

浚則師德下民咸殖令問在舊孔容翼翼

孔容之常承帝之明下民之樂子孫保光承順溫良  
受帝之光嘉薦令芳壽考不忘

承帝明德師象山則雲施稱名永受厥福承容之常  
承帝之明下民安樂受福無疆

郊祀歌十九章其詩曰

練時日侯有望熇燁蕭延四方九重開靈之旂垂惠  
恩鴻祐休靈之車結元雲駕飛龍羽旄紛靈之下若  
風馬左倉龍右白虎靈之來神哉沛先以雨般齋齋  
靈之至慶陰陰相放蕙震澹心靈已坐五音飭虞至

日承靈億牲繭粟染盛香尊桂酒賓八鄉靈安留  
青黃徧觀此毗瑤堂衆嫗並綽竒麗顏如荼北逐靡  
被華文廁霧縠曳阿錫佩珠玉俠嘉夜蒞蘭芳澹容  
與獻嘉觴

練時日一

帝臨中壇四方承宇繩繩意變備得其所清和六合  
制數以五海內安寧興文匡武后土富媪昭明三光  
穆穆優游嘉服上黃

帝臨二

青陽開動根芽以遂膏潤并愛政行畢逮霆聲發榮  
壤處頃聽枯槁復產迺成厥命衆庶熙熙施及夭胎  
羣生嚶嚶惟春之祺

青陽三

朱明盛長粵與萬物桐生茂豫靡有所訕敷華就實  
既阜既昌登成甫田百鬼迪嘗廣大建祀肅雍不忘  
神若宥之傳世無疆

朱明四

西顛沆碭秋氣肅殺含秀垂穎續舊不廢茲爲不萌  
祆孽伏息隅辟越遠四貉咸服既畏茲威惟慕純德  
附而不驕正心翊翊

西顛五

元冥陵陰蟄蟲蓋臧山木零落抵冬降霜易亂除

革正異俗兆民反本抱素懷樸條理信義望禮五嶽  
籍歛之時掩收嘉穀

元冥六

惟泰元尊媪神蕃釐經緯天地作成四時精建日月  
星辰度理陰陽五行周而復始雲風雷電降甘露雨  
百姓蕃滋咸循厥緒繼統共勤順皇之德鸞路龍鱗  
罔不貯飾嘉籩列陳庶幾宴享滅除凶灾烈騰八荒  
鐘鼓竿笙雲舞翔翔招搖靈旗九夷賓將

惟泰元七

建始元年丞相康衡奏罷鸞路龍鱗更定詩曰消選  
休成

天地並況惟予有慕爰熙紫壇思求厥路恭承禋祀  
縕豫爲紛黼繡周張承神至尊千童羅舞成八溢合  
好効歡虞泰一九歌畢奏斐然殊鳴琴竿瑟會軒朱  
璆磬金鼓靈其有喜百官濟濟各敬厥事盛牲實俎  
進聞膏神奄留臨須搖長麗前挾光耀明寒暑不忒  
况皇章展詩應律銷玉鳴函宮吐角激祉清發梁揚  
羽申以商造茲新音永久長聲氣遠條鳳鳥鷄神夕  
奄虞蓋孔享

天地八

丞相康衡奏罷黻繡周張更定詩曰肅若舊典  
日出入安窮時世不與人同故春非我春夏非我夏

秋非我秋冬非我冬泊如四海之池徧觀是邪謂何  
吾知所樂獨樂六龍六龍之調使我心若嘗黃其何  
不徠下

日出入九

大一况天馬下露赤汗沫流赭志倣儻精權音籥浮  
雲瞻上馳體容與逝萬里今安匹龍爲友

元狩三年馬生渥洼水中作

天馬來從西極涉流沙九夷服天馬來出泉水虎脊  
兩化若鬼天馬來歷無草徑千里循東道天馬來執  
徐時將搖舉誰與期天馬來開遠門竦予身逝昆崙  
天馬來龍之媒游閭闔觀玉臺

天馬十

大初四年誅宛王獲宛馬作

天門開誅蕩蕩穆並騁以臨饗光夜燭德信著靈寢  
平而鴻長生豫大朱涂廣夷石爲堂飾玉梢以舞歌  
體招搖若永望星留俞塞隕光照紫幄珠煩黃幡比  
玃回集貳雙飛常羊月穆穆以金波日華耀以宣明  
假清風軋忽激長至重觴神裴回若留放殪冀親以  
肆章函蒙祉福常若期寂謬上天知厥時泛泛滇滇  
從高存殷勤此路臚所求侏正嘉吉弘以昌休嘉碑  
隱溢四方專精厲意逝九閔紛云六幕浮大海

天門十一

景星顯見信星彪列象載昭庭日親以察參侔開闔  
爰推本紀汾睢出鼎皇祐元始五音六律依韋饗昭  
雜變並會雅聲遠姚空桑琴瑟結信成四興遞代八  
風生殷殷鐘石羽籥鳴河龍供鯉醇犧牲百末旨酒  
布蘭生泰尊拓漿析朝醒微感心攸通修名周流常  
羊思所并穰穰復正直往甯馮蠡切和疏寫平上天  
布施后土成穰穰豐年四時榮

景星十二

元鼎五年得鼎汾陰作

齊房產草九莖連葉宮童効異披圖案謀元氣之精  
回復此都蔓蔓日茂芝成靈華

三十一

西漢會要卷二十一

六

列五

齊房十三

元封二年芝生甘泉齊舟作

后皇嘉壇立元黃服物發冀州北蒙祉福沈沈四塞  
假狄合處經營萬億咸遂厥宇

皇后十四

華燁燁固靈根神之游過天門車千乘屯昆侖神之  
出排玉房周流雜技蘭堂神之行旌容容騎沓沓般  
從從神之徠泛翊翊甘露降慶雲集神之榆臨壇宇  
九疑賓夔龍舞神安坐鷄吉時共翊翊合所思神嘉  
虞申貳觴福滂洋邁延長沛施祐汾之阿揚金光橫  
秦河莽若雲增陽波徧臚驪騰天歌



華燁燁十五

五神相包四鄰土地廣揚浮雲圻嘉壇椒蘭芳璧玉  
精垂華光益億年美始興交於神若有承廣宣延咸  
畢觴靈輿位偃蹇驥奔汨臚析奚遺淫淶澤淫然歸  
五神十六

朝隴首覽西垠雷電奈獲白麟爰五止顯黃德圖凶  
虐重鬻殛闕流離抑不詳賓百僚山河饗掩回轅鬻  
長馳騰兩師洒路陂流星墮感惟風籥歸雲撫懷心  
朝隴首十七

元符元年行幸雍獲白麟作

象載瑜白集西食甘露飲滌泉赤鴈集六紛負殊翁  
雜五采文神所見施祉福登蓬萊結無極  
象載瑜十八

大始三年行幸東海獲赤鴈作

赤蛟綏黃華甚靈露夜零晝晻溘百君禮六龍位勺椒  
漿靈已醉靈既享錫吉祥芒芒極降嘉觴靈殷殷爛  
揚光延壽命永未央杳冥冥塞六合澤汪濊輯萬國  
靈裊裊象輿轆票然逝旗透蛇禮樂成靈將歸託元  
德長無衰

赤蛟十九

角抵

武帝元封三年作角抵戲  
本紀文頴曰名此樂為角抵者兩兩相當角力角技

藝射御故名角抵蓋雜伎樂也師古曰抵當也

六年京師民觀角抵于上林平樂館本紀

孝武之世開玉門通西域設酒池肉林以饗四夷之

賓客作巴俞都盧海中碣徒浪反極漫衍魚龍角抵之

戲以觀視之西域傳贊晉灼曰都盧國名也李奇曰

曰巴人巴州人也巴俞之人所謂賓人也勁銳善舞

本從高祖定三秦有功高祖喜觀其舞因令樂人習

之故有巴俞之樂漫衍者即張衡西京賦所云巨獸

百尋是為漫延者也魚龍者為舍利之獸先戲於庭

日畢乃入殿前激水化比日魚跳躍激水作霧障

賦云海鱗變而成龍即為此色也

元帝初元四年罷角抵戲本紀刑法志云用貢禹議

西漢會要卷第二十二



